



UNIVERSITÄTS-
BIBLIOTHEK
PADERBORN

**Nicolai Cavssini Trecensis, E Societate Iesv, De Eloqventia
Sacra Et Hvmana Libri XVI**

Caussin, Nicolas

Coloniae Agrippinae, 1634

131. Viola Martia: Ex hist. Plantarum, Rouill.

[urn:nbn:de:hbz:466:1-70090](https://nbn-resolving.org/urn:nbn:de:hbz:466:1-70090)

sani dixerent. Humani ferme capitis magnitudine: duplici operimento: quorum exterius in summo læue, stupea intus densitate (caurum vocant) netur, ac textitur, cannabis, & spartu modo, cum aliis in visus, tum præcipue in virilium nexu, & anchoralia: Neque materia vlla ad nauticos funes, & maris impetus obsequentior: namque vt falsuginem amat; ea planta. Caurum quoque ex ea prognatum, & marinis aquis immersum identidem reuirescit: & Anchoris illigatum fluctuantes salo nauis egregie continet. Non tam ab innata duritie, vel operis firmitate, quam viriditate ipsa, & lentitia quadam, ad instar corij; vt se vel in altum elato nauigio, miram in tenuitatem extendat: vel resedente rursus in crassitudinem contrahat.

Quod secus in nostris euenit rudentibus: quæ nimirum ipsa vi, ac pertinacia sæpe rumpuntur: Interior autem calix, rufo colore, & globosa rotunditate præditus, addito auro, vel argento in pocula figuratur: ipsa vero pomicato, amygdalæ in modum pinguedine quadam, & grato sapore lactescens, non per se tantum in cibo grata est, ac salubris; verum etiam vbi visum fuerit, exhausto lacte paulatim in oleum eliquatur. Totas autem racemus dum ex eo tener adhuc emicat, fructus, nodo contractus; ac leniter incisus, in abdita oris angusti vascula opimum instillat succum: ex quo variis artibus, coctionibusque, veteri (vt Strabo ipse testatur) inuento, mel seu faccarum, vinum, acetumque perficitur, iam folia cum & librariis pro papyro sint, & loco regularum imposita domibus arceant imbres: tum etiam in vestis formam facili simul, ac spisso contextu necuntur: denique vna, eademque arbor omnia profus ad rem nauticam instrumenta, ac materiem præbet: quippe truncum, & ramos in malum, assamenta, clauosque commam in vela: Caurum in funes (vt dictum est) omnium optimos: filaque ad laterum futuras, postremo cocum ipsum, quæque ex ipso conficiuntur in onera: Ita non sine miraculo quodam omnibus plane rebus ex semet apta, & instructa nauigat palma, eademque discussa per hyemem viuaces ad prunas, lenta ignium alimenta suppeditat.

Incolæ importato lino, sericoque; talares tunicas eleganti opere, texunt, quibus honestius multo, quam cæteri Indi velant corpora. Piscantur etiam palmæis verruculis minuta conchylia, sunt qui veneræ Conchæ genus pu-

rent, miro splendore, & colorum varietate; hæc saburræ loco in onerarias indita, ac diuersas in regiones euecta, apud Gangaridas; & Sionios, villioris moneta expleat vicem: ad res parui pretij coemendas: apud Hesperios autem Æthiops, cum rebus etiam carioribus permutantur. *Maff. l. 7.*

VIOLA MARTIA.

Descriptio CXXXI.

Hæc humilis per terram reptit fragrantia *Ex hist. plantarum* modo, folia fundens à radice multa, *Rouill. l. 7.* ta, onerosa, per ambitum leuiter ferrata, hederæ foliis minora, rotundiora, tenuiora, nigrioraque, præsertim parte superiore, inter quæ medijs exeunt pediculi tenues, terneriusculi, singuli singulos flores ferentes, pulchros, odoratos, colore in nigro purpureos, nonnumquam pallidiores, nonnumquam candidos, ex quibusque foliis compositos, ac deinde pensiles folliculos, vasculave rotunda per maturitatem in tres partes dehiscencia, semen minutum, album in rotunditate oblongum, miliaceum, medullosum complectentia, radices tenues sunt, & fibratae.

OCELLVS.

Damascenus Loiollet.

Descriptio CXXXII.

Folius est longis, carnosus, duris, angustis, *Rouill. l. 7.* in extremo acuminatis, incanis, cauliculis multis, iuncis rotundis, geniculatis lauibus, cubitalibus, aut altioribus, coëuntibus pyridatim internodijs, in quorum, & iis adnatorum cacuminibus calices sunt longi, teretes glabri, orbiculo superiore denticulati, e quibus flores omnium speciosissimi prodeunt, ex senis foliolis, qui simplices sunt, ex multo pluribus multiplices per extremas oras scite fimbriati caryophyllorum odoratu, sed longe suauissimo, colore alias purpurascente dilutius, alias intensiores rubore nitente, alias candido.

Sunt